

詞

綜

補

遺

詞綜補遺卷三

長洲陶樑緝

宋詞六十九首

李綱十二首

呂頤浩一首

韓世忠二首

俞處俊一首

胡銓九首

關注一首

倪偁一首

韓璜一首

米友仁十八首

曹冠二十三首

李

綱字伯紀邵武人政和二年進士官至尚書左僕射兼中書侍郎諡忠定有梁溪集一百八

卷十

減字木蘭花

讀神仙傳

茫茫雲海方丈蓬壺何處在擬泛輕舟一到金鰲背上  
遊瓊樓珠室千載蟠桃初結實月冷風清試倩雙成  
吸玉笙

采桑子

木犀二首

幽芳不爲春光發直待秋風直待秋風香比餘花分外  
濃步搖金翠人如玉吹動瓏璵吹動瓏璵恰似瑤臺  
月下逢

又

枝頭萬點妝金蕊十里清香十里清香解引幽人雅興

長 玉壺貯水花難老  
淨几明窗淨几明  
窗褪下殘英  
簌簌黃

望江南

池陽道中

歸去好  
迂騎過江鄉  
茅店雞聲寒逗月  
板橋人跡曉凝霜  
一望楚天長  
春信早  
山路野梅香  
映水酒帘斜颺  
日隔林漁艇靜  
鳴榔杳杳下殘陽

又

新閣就向日借清光  
廣厦生風非我志  
小窗容膝正相當  
聊此做羲皇  
猿尾拂高挂木繩牀  
老病維摩誰問疾  
散花天女爲焚香  
恰好細商量

言終補遺卷三  
又

清晝永幽致夏來多遠岸參差風颺柳平湖清淺露翻  
荷移棹釣烟波涼一霎飛雨灑輕蓑滿眼生涯千頃  
浪放懷樂事一聲歌不醉欲如何

又

江上雪獨立釣漁翁箬笠但聞冰散響蓑衣時振玉花  
空圖畫若爲工雲水暮歸去遠烟中茅舍竹籬依小  
嶼縮編圓鰓入輕籠歡笑有兒童

水調歌頭

花徑不曾掃蓬戶爲君開元戎小隊清曉佳客與同來

我爲新來多瘦且恁澆花蕝藥隨分葺池臺多謝故人  
意迂訪白雲隈 暮春月修禊事會蘭齋一觴一詠何  
媿當日暢幽懷况是茂林修竹映帶清流激湍山色碧  
崔嵬勿復嘆陳迹且爲醉金杯

又和李似之橫山對月

秋杪暑方退清若玉壺冰高樓對月天上宮殿不曾扃  
散下淒然風露影照江山如畫渾覺俗緣輕弋者欲何  
慕鴻羽正冥冥 世間法唯此事最堪憑太虛心量聊  
假槩棗制頽齡但使心安身健靜看草根泉際吟蚓與  
飛螢一坐小千劫無念契無生

言部系和詩卷三  
永龍吟

楊花次章質夫韻

晚春天氣融和乍驚密雪烟空陸因風飄蕩千門萬戶  
牽情惹思青眼初開翠眉纔展小園長閉又誰知化作  
瓊花玉屑共榆莢漫天起 深院美人慵困亂雲鬟儘  
從收綴小廊回處毵毵重疊輕拈卻碎飛入樓臺舞穿  
簾幙總歸流水悵青春又過年年此恨滿東風淚

喜遷鶯

自池陽泛舟

江天霜曉對萬頃雪浪雲濤瀾渺遠岫參差烟雨微茫  
閑盡往來人老淺沙別浦極望滿目餘霞殘照暮雲歛  
放一輪明月窺人懷抱 杳杳千里恨玉人一別夢斷

無音耗手撚江梅枝頭春信欲寄算應難到畫船片帆  
浮碧更值風高波浩幾時得向尊前銷去許多煩惱

永遇樂

秋夜

秋色方濃好天涼夜風雨初霽缺月如鉤微雲半掩的  
爍星河碎爽來軒戶涼生枕簟夜永悄然無寐起徘徊  
憑闌凝竚片時萬情千意江湖倦客年來衰病坐歎  
歲華空逝往事成塵新愁似鎖誰是知心底五陵蕭瑟  
中原杳杳但有滿襟清淚對蘭缸呼童取酒且圖徑醉

呂頤浩

字元直其先樂陵人徙齊州中進士第徽宗  
時歷官至河北都轉運使高宗南渡起知揚

州兩入政府同中書門下平章事後以少傅  
醴泉觀使致仕卒贈太師秦國公諡忠穆有



忠穆集

八卷

四庫全書總目元直在相位時頗肆自用力排李忠定及李莊簡深爲公論所不與然少長西北嫺習軍旅其應詔上戰守諸策大約謂和議之必不可成勸高宗爲乘機進取計雖都督江淮不能盡酬其所言較之張浚之迂繆寡謀媚嫉誤國則固有間矣

水調歌頭

紫微觀石牛

一片蒼崖璞孕秀自天鍾渾如暖烟堆裏乍放力猶慵  
疑是犀眠海畔貪玩爛銀光彩精魄入蟾宮潑墨陰雲  
妬蟾影淡朦朧 瀉山頌戴生筆寫難窮些兒造化憑  
誰細與問元工那用牧童鞭索不入千羣萬隊扣角起  
雷同莫恠作詩手偷入錦囊中

韓世忠

字良臣延安人宣和二年方臘反以偏將從王淵討平之積功遷嘉州防禦使南渡厯太保封英國公兼河北諸路招討使秦檜收三大將權拜樞密使罷爲醴泉觀使奉朝請進封福國公改封咸安郡王卒進太師通義郡王孝宗朝封蘄王諡忠武配享高廟費袞梁溪漫志紹興間韓蘄王自樞密使就第放浪江山匹馬數童飄然意行一日至湖上遙望蘇仲虎尙書宴客蘄王徑造其席喜甚醉歸翼日折簡謝餉以羊羔且作二詞手書以贈蘇公紱藏之親題其上曰二閔三紙勿亂動淳熙丁未蘇公之子壽父山丞太府攜以示蘄王長子莊敏公莊敏公以示余字畫殊傾欹然其詞乃林下道人語莊敏云先人生長兵間不解書晚年乃稍稍能之耳

臨江仙

冬看山林蕭疎淨春來地潤花濃少年衰老與山同世

間爭名利富貴與貧窮 榮貴非干長生藥清閒是不  
死門風勸君識取主人公單方只一味盡在不言中

南鄉子

人有幾何般富貴榮華總是閒自古英雄都如夢爲官  
寶玉妻男宿業纏 年邁口衰殘髣髴蒼浪骨髓乾不  
道山林有好處貪歡只恐癡迷誤了賢

俞處俊

字師郝新淦人登建炎  
龍飛乙科不及祿而卒

獨醒雜志俞師郝嘗因重九日賦長短句云  
云詞旣出邑人爭歌之或曰詞固佳然其言  
太酸辛何故師郝明年竟卒其登科時在雅  
揚以重九日唱名故詞中及之

百字令

殘蟬斷雁正西風蕭索夕陽流水落木無邊幽眺處雲  
擁登山屐齒歲月如馳古今同夢惟有悲歡異綠尊空  
對故人相望千里 追念淮海當年五雲行殿咫尺天  
顏喜清曉臚傳仙仗裏衣染玉龍香細今日天涯黃花  
零亂滿眼重陽淚艱難多病二陵無奈秋思

胡 銓

字邦衡廬陵人建炎二年進士甲科紹興五  
年以賢良方正薦除樞密院編修官抗疏詆  
和議累謫吉陽軍孝宗朝厯權中書舍人兼  
國子祭酒權兵部侍郎以資政殿學士致仕  
卒諡忠簡有澹

菴長短句一卷

方回瀛奎律髓紹興十八年新州編管人胡  
銓移吉陽軍編管先是廣東經畧使王鈇問  
知新州張栻曰胡銓何故未過海銓常賦詞  
曰欲駕巾車歸去有豺狼當轍栻奏銓倡和

言集卷三  
毀謗而有是命掾選使臣游崇部封送小項  
洞過海餘徒步赴貶人皆憐之至雷州守臣  
王趙捕游崇私茗械治厚餉銓趙後亦得罪

### 浣溪沙

忽忽春歸沒計遮百年都似散餘霞持杯聊聽浣溪沙  
但覺暗添兩鬢雪不知落盡一番花東風寒似夜來  
些

### 菩薩蠻

辛未七夕戲答張慶符

銀河牛女年年渡相逢未款還憂去珠斗欲闌干盈盈  
一水間玉人偷拜月苦恨匆匆別此意願天憐今宵  
長似年

醉落魄

辛未九月望和答慶符

百年強半高秋猶在天南畔  
幽懷已被黃花亂更恨銀蟾  
故向愁人滿招呼詩酒顛狂  
伴羽觴到手判無筭  
浩歌箕踞巾聊岸酒欲醒時  
與在盧仝盃

又

和答陳景衛望湖樓見憶

千岩競秀西湖好是春時候  
誰知梅雪飄零久藏白收香  
袖和羹手天涯萬里情難透  
眉峯豈爲傷春皺  
片愁未信花能繡若說相思  
只恐天應瘦

鷓鴣天

和陳景衛憶西湖

一憶西湖太瘦生十年不到夢  
曾行空濛山色烟霏晚

淡沲湖光霧縠輕  
芳草遠暮雲平  
雨餘空翠入簾明  
夢回一餉難存濟  
這錯都因自打成

臨江仙

和陳景衛憶梅

我與梅花真莫逆  
別來常恐因循  
幾年不見嶺頭春  
栩栩然胡蝶夢  
魂夢竟非真  
浪蕊浮花空滿眼  
愁眉不展  
長顰此君還似不羈人  
月邊風畔口千里淡相親

玉樓春

贈李都監侍兒是夕歌六么

十年目斷鯨波濶  
萬里相逢歌怨咽  
髻鬟春霧翠微重  
眉黛秋山烟雨抹  
小槽旋滴真珠滑  
斷送一生花十  
入醉中扶上木腸兒  
酒醒夢回空對月

按鶴林玉露胡  
澹菴正海外北

歸飲於湘潭胡氏園題詩曰君恩許歸此一醉旁有黎  
類生微渦謂侍姬黎倩也此詞亦北歸時作而風趣正  
復不減

清平樂

和曾檢法海棠

深深花院雨戛風餐徧只欠畫屏并羽扇誰領畧春風

而愁須詩酒相禁少陵底事慵吟不是爲梅牽興怕

渠惱亂春心

原注王介甫梅詩云少陵爲爾牽詩興可  
是無心賦海棠故云

青玉案

乙酉重九

宜霜開盡秋光老感節物愁多少塵世難逢開口笑滿

林風雨一江烟水颯爽驚吹帽玉堂金馬何須道且

關取樽前玉山倒燕寢香清官事了紫萸黃菊皂羅紅



袂花與人俱好

闕

注

字子東錢塘人景仁子第紹興五年進士官湖州教授至太常博士自號香巖居士有

闕博

士集

張邦基墨莊漫錄宣和二年闕子東避地無錫僑寓崇安寺古柏院中夢臨水有軒主人延客年可五十元衣而美鬚髯揖坐使兩女子以銅杯酌酒謂子東曰自來歌曲新聲先奏天曹然後散落人間他日東南休兵有樂府曰太平樂汝先聽其聲遂使兩女子舞主人抵掌為節已而恍然而覺猶能記其五拍子東以詩紀之云元衣仙子從雙鬟緩節長歌一解顏滿引銅盃效鯨吸低回紅袖作弓彎舞留月殿春風冷樂奏鈞天曉夢還行聽新聲太平樂先傳五拍到人間

水調歌頭

寄石室陸永仲

鳳舞龍蟠處玉室與金堂平生想望真境依約在何方  
誰信許君丹竈便與吳君遺劍只在洞天旁若要安心  
地須是遠名場幾年來開林麓建山房安眠飽飯清  
坐無事可思量洗盡人間憂患看盡仙家風月和氣滿  
清揚一笑塵埃外雲水遠相忘

倪

偁

字文舉吳興人紹興入年進士官太常寺主簿有綺川詞一卷

臨江仙

結束征鞍臨驛路長林積雪消初天回春色到平蕪不  
堪盃酒罷便與故人疎一曲陽關歌未闕僕夫催上  
修途非君思我更誰歟西風吹過雁應有寄來書

韓

璜

字叔夏

宋史藝文志韓璜有春秋人表一卷

鶴林玉露紹興中王鈇帥番禺有狼籍聲除  
司諫韓璜爲廣東提刑令往廉按王憂甚有  
妾故錢塘倡也問故曰不足憂也璜卽韓九  
舊遊妾家須其來強邀之飲妾當有以敗其  
守已而韓至王郊迎不見次日報謁王治具  
於別館邀遊郡園固請乃可陰命諸倡詐作  
姬侍劇飲酒半妾於簾內歌韓昔日所贈詞  
韓心動卽欲見之妾故邀其引滿至再至三  
終不肯出韓心益急妾曰司諫曩在妾家最  
善舞今日能爲妾舞一曲卽當出也韓醉甚  
卽索舞衫塗抹粉墨踉蹌而起忽跌於地諸  
倡扶掖歸船酒醒羞愧無以自容卽解舟還  
臺此聲流播旋遭彈劾王迄善罷

清平樂

木犀和向伯恭

見碧雞漫志

秋光如水釀作鶯黃蟻散入千崑佳樹裏唯許修門人

醉 輕鈿重上風鬟不禁月冷霜寒步障深沈歸去依

然愁滿江山

附向伯恭賦木犀贈韓叔夏原詞吳頭楚尾  
踏破芒鞋底萬壑千巖秋色裏不奈惱人風  
味 如今老我薊林世間百不關心獨喜愛  
香韓壽能來同醉花陰

米友仁

字元暉芾子力學嗜古亦善書畫世號小米  
仕至兵部侍郎敷文閣直學士宋史有傳有  
陽春集

元暉自跋云紹興戊午仲春初七日懶拙道  
人得守滁陽既老則懶遂請宮投閒泛舟來  
平江大姚邨過謙之於莊舍乍朝來居深邨  
灑然如濯清風於三伏畏暑中其爲快有不  
可勝言者大恨未能增置百斛尙依微祿以  
哺孥稚未能便納政爲閒客相從雲水間耳  
豈非老業家女甥索書此柔豪頑悍作書不  
成畧無可觀是月十三日

按元暉詞卷南宋時金陀岳氏錄存實真齋  
法書贊中竹垞翁亦未得見近時長塘鮑氏  
刊入知不足齋叢書誠爲執林快事又朱存  
理鐵網珊瑚載有元暉寄京口翟伯壽念奴  
嬌一闕跋云夜雨欲霽曉烟旣泮余蓋戲爲  
瀟湘寫千變萬化不可名神奇之趣非古今  
畫家者流也伯壽余生平至友昨豪奪予自  
秘著色袖卷盟於天而後不復力取歸往歲  
挂冠神武乃居京口舊廬以詞寄之因語近  
率直故不錄

### 臨江仙

昨夜扁舟沙外艤淮南微雨初晴斷雲飛過月還明一  
天風露重人在玉壺清 水際不知何處是遙林口辨  
微青醉迷歸夢強口夢誰言東去雁解寄此時情

### 小重山

醉倚朱欄一解衣。碧雲迷望眼。斷虹低近來。休說帶寬圍。人千里。還是燕雙飛。深院日初遲。綺窗簾幙靜。恨生眉。不堪虛度是花時。鵲來速。爭解寄相思。

減字木蘭花

柳塘微雨。雨雨飛鷗來復去。倚徧重欄。人在碧雲山外山。一春離怨。日照綺窗長幾幾。酒病情魔。雨事春來無奈何。

點絳脣

浩渺湖天。酒浮黃菊攜佳侶。澹烟疎雨去。魯方懷土。傾蓋相逢引滿哦。奇語山圍處。兕觥頻舉。不醉君無去。

漁家傲

從古荆溪名勝地溪光萬里琉璃翠極望荷花三十里  
香噴鼻我舟日在花間艤向晚餘霞收散綺遙天抹  
黛天如水滿引一樽明月裏風微起蕭然真在華胥氏  
阮郎歸

小舟載酒向平湖新涼生曉初亂山烟外有還無王維  
真畫圖風遽起動襟裾雨來荷濺珠一尊相對喜君  
俱醉歸紅袖扶

臨江仙

一曲陽關腸斷處臨風慘對離尊紅妝揭調十分斟古

來多聚散正似嶺頭雲  
昨夜晴霄千里月向人無限  
多情娟娟今夜滿虛庭一  
帆隨浪去却照畫船輕

醉桃源

蝶夢初回栩栩柳岸幾聲鶯語  
蘋末起微風山外一川  
烟雨凝顧凝顧人在玉壺深處

南歌子

遇酒詞先舉逢山眼暫明  
一川風雨縱留人不道此郎  
歸興欲兼程客久口情深尋歡恨不能繩牀頓睡夢  
縱橫賴口口口口口口口口口口

漁家傲

和晏元獻韻



郊外春和宜散步百花枝上初凝露  
福地神仙多外府  
幽尋覓徧溪邊路  
薄宦浮家無定處  
萍飄梗泛前人  
語與子未須鄉國去  
且看羣岫烟中雨

念奴嬌

邨居九日

九秋氣爽正溪山  
雨過茅簷清暇  
籬菊妍英知是爲佳  
節重陽開也色妙香殊勻浮甌面俗狀卑金  
畢歌狂飲  
俊滿簪還更盈把  
邨外草草杯槃邊  
塵不動欲買應  
無價  
端使晴霄風露冷雲卷烟收平野向晚  
嬋娟半輪  
斜照想見成清夜  
玉山頽處要看欹帽如畫

臨江仙

寶晉軒窗臨望處山圍水繞林榮不堪回首到江城墻  
趺圍瓦礫鷗鷺見人驚日願太平歸舊里更無餘事  
關情小營茅舍倚雲汀四時風月裏還我醉騰騰

阮郎歸

碧溪風動滿文漪雨餘山更奇淡烟橫處柳行低鴛鴦  
來去飛人似玉醉如泥一枝隨鬢欹夷猶雙槳月平  
西陶尋歸路迷

臨江仙

野外不堪無勝侶笑談安得君同四時景物一壺中醉  
餘臨望處遠岫數重重溪上新荷初出水花房半露

微紅曉風蕭爽韻疎松娟娟明月上人在廣寒宮

念奴嬌 裁成淵明歸去來辭

欄干倚處戲裁成彭澤當年奇語三徑荒涼懷舊里我  
欲扁舟歸去鳥倦知還寓形宇內今已年如許小牕容  
膝要尋情話親侶郭外粗有西疇故園松菊日涉方  
成趣流水涓涓千澗上雲繞奇峰無數窈窕經邱風清  
月瞭時看烟中雨蕭然巾岸引觴寄傲衡宇

醉春風

一陽來復羣陰往吾道從今長萬事莫關情月夕風前  
依舊須豪放卿雲舒卷浮青嶂從古書珍賞滿引唱

新詞春意看看又到梅梢上

小重山

雨過風來午暑清  
榴花紅照眼  
向人明  
一枝低映寶釵橫  
菖蒲酒玉碗十分斟  
引滿聽新聲  
小軒簾半捲  
遠山青  
幾人閒處見  
閒情醒還醉  
爲趣妙難名

訴衷情

淵明詩

結廬人境羨陶潛  
車馬不來喧  
勝處自多真趣  
飛鳥日相還  
心旣遠地仍偏  
見南山手持菊  
潁山氣常佳  
欲辨忘言

曹

冠

字宗臣號雙溪居士東陽人官郴州知州有燕喜詞一卷

陳巖曰同年檢正曹公文雄學奧節勁氣嚴三十年臺省舊人也不辭小試來游宣幕使君大監狀元詹公既深知之一見其文集尤加歎賞叙而錢板於郡庠名之曰雙溪因其居也又以其所著樂府別爲一集名之曰燕喜撫其實也巖淳熙丁未備倅於此公餘請問辱以見教玩其辭而繹其意豈非中有所本歟吁寥寥百餘年繼坡仙之作非公而誰詹倣之曰檢正曹公所著別集名曰燕喜竊嘗玩味之旨趣純深中含法度蓋其得於六義之遺意純乎雅正者也將有采風者播而揚之以補樂府之缺其有助於教化豈淺淺哉淳熙丁未仲夏望日按老學庵筆記稱曹冠以教授秦檜孫爲門客其燕喜集傳本絕少竹垞亦云隻字未見舊從藏書家搜訪得之無異獲珍珠船也

漢宮春

梅

一品天香似蕊真仙質宮額新妝先春爲傳信息壓盡

羣芳化工著意賦陽和欺雪凌霜應自負孤標介潔歲  
寒獨友松篁因念廣平曾賦愛浮香隴月疎影橫窻  
真堪玉堂對賞瓊苑依光江城塞管任龍吟吹徹何妨  
君看取和羹事在收功不負東皇

鳳棲梧

蘭溪

桂棹悠悠分浪穩烟幕層巒綠水連天遠贏得錦囊詩  
句滿興來豪飲揮金盃飛絮掠人花照眼天濶風微  
燕外晴絲捲翠竹誰家門可款艤舟閑上斜陽岸

又尋芳飲于小園

桃杏爭妍韶景媚雨霽烟輕山色按藍翠綠竹青松依

澗水了無一點塵埃氣 忙裏偷閑真得計乘興攜壺  
文酒欣同志對景揮毫聊寓意賞花對月拚深醉

夏初臨  
婺州郡圃

水榭風臺竹軒梅徑雙溪新瓶名園極目遐觀碧岑歛  
散瑤烟柳塘風皺清漣爛紅雲花島爭妍艷粧佳麗相  
攜笑歌學弄鞦韆 遨頭多暇命友尋芳賞心行樂物  
態熙然偎香拾翠雅宜飛蓋聯翩滿勸金船任玉山頻  
醉花前且留連賞月盡欄擬鬥嬋娟

又  
淳熙戊戌四月既望遊涵碧登生秋冲霄二亭  
觴詠竟日是日也初夏懷台園林茂密瀑泉鏗  
落松韻笙簫鬱翠波光上下相映佳山句在  
我思古人對景興懷視今猶昔何異乎蘭亭

之感慨也賦夏初臨一閱以紀時日

翠入烟嵐綠鋪槐蜩薰風初扇微和茂樾扶疎絳榴花  
映庭柯瀑泉飛下層坡間新篁夾徑青莎良辰佳景登  
臨雋遊清興何多 流觴高會不減蘭亭感懷書事聊  
寄吟哦升沉變化任他造物如何躡磴攀蘿上冲霄滿  
飲高歌醉還醒重宴畫樓賞翫金波

風入松 雙溪閣觀水

瑤烟歛散媚晴空雲淡奇峯澄江金斗平波面扁舟載  
簑笠漁翁彷彿輞川圖上依稀苕霅溪中 春鋤 鷺也  
掠水浪花重飛傍蘆叢綺霞斜映征鴻影供吟毫佳景



無窮頓起騎鯨遊興冷然欲御清風

踏莎行

翠老紅稀歌慵笑懶溟濛烟雨軟韉院芹泥帶濕燕雙  
飛杜鵑啼訴芳心怨座客分題傳觴迭勸送春惜別  
情何限不須惆悵怨春歸明年春色重妍暖

浣溪沙

柳

翠帶千條蘸碧流多情不解繫行舟章臺惜別恨悠悠  
濕雨傷春眉黛歛飲倚風無力舞腰柔絲絲烟縷織離  
愁

念奴嬌

詠中秋月

碧天如水湛銀潢清淺金波澄澈疑是姮娥將寶鑑高  
挂廣寒宮闕林葉吟秋簾櫳如畫丹桂香風發年年今  
夕庾樓此與清絕因念重折高枝壯心猶鬱已覺生  
華髮好向林泉招隱處時講清遊真率乘興歌歡熙然  
朝野何日非佳節百杯千首醉吟長對風月

西江月

泛舟

一派灣溪曲港兩山松榦檉蘿尋幽乘興泛烟波時見  
白鷗飛過炫目浪花金影連雲岸草青莎陶然一醉  
養天和解意歌鶯勸我

好事近

岩桂

蟾苑桂飄香雅稱姮娥珍惜吹下一叢仙種伴秋光岑  
寂金風玉露嫩涼天造化有消息醉賞綠雲金粟媚  
枝頭月色

又乙丑重陽遊甯峯

商索肅金飈吹帽又逢佳節乘興登臨舒嘯翫雲林清  
絕高歌橫劍志平戎酒量與天濶更待醉歸開晏賞  
東籬明月

宴桃源

廉纖小雨養花天池光映遠山蕙蘭風暖正暄妍歸梁  
燕翼偏芳草碧綠波連良辰近禁烟酒酣午枕與怡

然鶯聲驚夢仙

驀山溪

乾道戊子日游涵碧

深秋澄霽烟淡霜天曉翠峴峻摩穹有碧澗清溪繚繞  
鳴弦多暇乘興約登臨聽水樂翫豐碑遐想東坡老  
當年叔子何事傷懷抱名與此山俱歎無聞真成可笑  
吾儕勲業要使列雲臺擒頡利斬樓蘭混一車書道

又 九日

佳辰游九吹帽霜風峭畫閣勢崔嵬逼危欄翠峯繚繞  
茂林修竹別是小壺天烟靄淡夕陽明隱暎溪光渺  
匣琴流水休恨知音少長嘯對西風覺志氣凌雲縹緲

傳杯興逸高會繼龍山簪嫩菊插紅萸相對年年好

滿江紅

日暖烟輕竹梢映花陰凌微風皺波光弄碧綠楊垂  
岸豔杏牆頭紅粉媚幽蘭砌下飄香暖稱邀賓排日去  
尋芳頻歡宴光景速渾如箭醉夢裏春強半且花前  
莫厭玉杯頻勸一枕游仙方警悟浮名自笑猶縈絆醉  
揮毫付與雪兒歌嬌鶯囀

喜遷鶯

上巳遊涵碧

豔陽時序向板襖芳辰登臨仙府碧水澄虛修篁聳翠  
夾徑蕙蘭香吐春晚巧鶯聲碎風捲飛紅無數凝望處

見桑村麥隴竹溪烟浦  
歡聚須信道遊宦東西易得  
成離阻北海開尊東山乘興四樂閒偷贏取棊戰新來  
常勝詩瘦只因吟苦心湛靜笑白雲多事等閒爲雨

柳梢青

遊湖

湖岸千峰嵌岩隱映綠竹青松古寺東西樓臺上下烟  
霧溟濛波光萬頃溶溶人面與荷花共紅撥棹歸歎  
一天明月十里香風

小重山

風貼池荷雨蓋翻明珠千萬顆碎仍圓游魚浮戲鰕清  
漣翠光映垂柳羃瑤烟幽興寓薰絃俗塵飛不到小

壺天身閑無事自超然拚酩酊一枕夢遊仙

卜算子

午枕夢遊仙身列蓬萊境何事鶯聲囀綠楊剛把人驚醒  
乘興對琴尊寄傲吟光景繞舍清陰映遠岑香篆

槐堂靜

粉蝶兒

連舍清陰還是暮春天氣遍蒼苔亂紅堆砌問春留不住  
春怎知人意最關情雲杪杜鵑聲碎休怨春歸四時有花堪醉  
漸紅蓮艷粧依次芙蓉岩桂與菊英梅  
並梅開尊日日殢香偎翠

臨江仙 明遠樓

三洞烟霞多勝致，壺中別有登臨。白鷗飛處晚雲深。羣  
峯羅戶牖，空翠入衣襟。分得雙溪樓上景，四時佳趣  
俱吟。浩歌鯨飲酒頻斟。鶯花休恨別，風月是知音。

青玉案

烟村茂樾溪灣畔，似遠景、摹輕練。細草平沙騎款段。漁  
翁款乃，却驚鷗鷺，飛起澄波面。班荆對飲垂楊岸。枝  
上鶯歌如解勸。山映夕陽霞綺散。醉吟乘興，錦囊詩滿。  
愛月歸來晚。



詞綜補遺卷三

詞綜補遺卷四

長洲陶樑輯

宋詞七十四首

王之望 三首

魏杞 一首

袁去華 四十二首

史浩 二首

湯思退 一首

洪邁 二首

何自明 一首

董穎 十首

程大昌 七首

虞允文 一首

梁安世 一首

范端臣 一首

姚述堯 一首

林外 一首

王之望

字瞻叔襄陽穀城人紹興八年進士累遷太府少卿孝宗卽位除戶部侍郎充川陝宣諭使官至叅知政事加資政殿大學士尋罷歸宋史有傳有漢濱集十六卷

按史稱瞻叔當秦檜柄國時落落不合咸謂其有守其後附和湯思退力主和議專以割地賂敵爲得計致遭抨擊士論深惜其晚節不終焉

搗練子

搗練子賦梅枝暖借東風次第吹自是百花留不住讓教先發放春歸

又

搗練子賦梅英枝上商量細細生不是根株貪結子被次羌笛兩三聲

又

搗練子賦梅粧鏡裏佳人傳粉忙  
額子畫成終未是更須插向髻雲傍

魏杞

字南夫壽春人從居鄞紹興十二年進士孝宗朝累遷宗正少卿拜參知政事尚書右僕

射兼樞密使出知平江府卒  
贈特進謚文節有山房集

寧國府志載南夫送左彥武歸鄉云折桂歸來日西風萬里秋錦衣天上客紅葉渡頭舟把酒難爲別題詩更欲留明朝山水隔何日是重游

虞美人

梅  
見歷代詩餘

冰膚玉面孤山裔肯到人間世天然不與百花同却恨無情輕付與東風  
麗譙三弄江梅曉立馬溪橋小只

言集卷四  
應明月最相思曾見幽香一點未開時

袁去華

字宜卿豫章人紹興十五年進士知石首縣有袁宜卿詞一卷

水調歌頭

雪

雲凍鳥飛滅春意着林巒姮娥何事醉撼瑞葉落人間  
斜入酒樓歌處微褪茅簷烟際窻戶漾光寒西帝遊何  
許翳鳳更驂鸞玉樓聳銀海眩倚闌干漁蓑江上歸  
去渾勝畫圖看三嗅疎枝冷蕊索共梅花一笑相對兩  
無言月影黃昏裏清興繞吳山

又

次黃舜舉登姑蘇臺韻

吳門古都會疇昔記曾遊輕帆卸處西風吹老白蘋洲

試覓姑蘇臺榭尙想吳王宮闕陸海跨鼇頭西子竟何  
許水殿浸涼秋 畫圖中烟際寺水邊樓叫雲橫玉須  
臾三弄不勝愁興廢都歸閒夢俯仰已成陳迹家在澤  
南州有恨向誰說月湧大江流

又

天下最奇處綠水照朱樓三高仙去白頭千古想風流  
跨海晴虹垂飲極目滄波無際落日去漁舟蘋末西風  
起橘柚洞庭秋 記當年攜長劍覓封侯而今憔悴長  
安客裏嘆淹留回首洪崖西畔隨分生涯可老卒歲不  
知愁做箇終焉計誰羨五湖遊

又次韻別張夢卿

一葉墮金井秋色滿蟾宮  
嬋娟影裏玉簫吹斷碧芙蓉  
繚繞宮牆千雉森聳觚稜雙闕  
縹緲五雲中鬱鬱葱葱  
處佳氣夜如虹日華邊  
江海客每從容青錢萬選北  
門東觀會留儂堪嘆搏沙一戰  
今夜扁舟何許紅蓼碧  
蘆叢無地寄愁絕把酒酌東風

又定王臺

雄跨洞庭野楚望古湘州  
何王臺殿危基百尺自西劉  
尙想霓旌千騎依約入雲歌  
吹屈指幾經秋嘆息繁華  
地興廢兩悠悠登臨處  
喬木老大江流書生報國無

地空白九分頭一夜寒生關塞萬里雲埋陵闕耿耿恨  
難休徙倚霜風裏落日伴人愁

又

鳥影度疎木天勢入平湖滄波萬頃輕風落日片帆孤  
渡口千章雲樹冉冉炊烟一縷人在翠微居客裏更愁  
絕回首憶吾廬功名事今老矣待何如拂衣歸去難  
道張翰爲蓴鱸且就竹深荷靜坐看山高月小劇飲與  
誰俱長嘯動林木意氣欲凌虛

念奴嬌

梅

水邊籬落獨橫枝冉冉風煙岑寂踏雪尋芳村路永竹



屋西頭遙識蕙草香  
消小桃紅未醉眼驚春色羅浮何處斷腸無限口跡  
憔悴素臉朱唇天寒日暮倚琅玕無力歲晚天涯驛使遠難寄江南消息自笑平生憐清惜淡故國會親植百花雖好問還有恁標格

又

竹陰窻戶薦微涼  
積雨郊墟新霽萬里飛雲都過盡天闕星河如洗簷際風來流螢飄墮冉冉還飛起魂清骨冷坐來衣潤空翠  
堪笑邱壑閒身儒冠相誤着青衫朝市功業君看清鏡裏兩鬢于今如此身外紛紛儻來適去到了成何事人生一世種瓜何處無地

又次郢州張樵韻

滿城風雨近重陽雲卷天空垂幕林表初陽光似洗屋  
角呼晴雙鵲香澤方熏烘簾初下點點霜華薄發粧酒  
暖殢人須要同酌老手爲拂春山休誇京兆掃宮眉  
難學客裏清歡隨分有爭似還家時樂料得厭厭雲窻  
深鎖寬盡黃金約不堪重省淚和燈燼偷落

又九日

一番雨過一番涼秋入蒼崖青壁晝日多陰還又是重  
九飄零江國瘦水鱗鱗長烟裊裊楓葉千株赤南山入  
望爲誰依舊佳色隨分綠酒黃花聯鑣飛蓋總龍山

言部利送卷四  
豪客人世高歌狂笑外擾擾于身何得短髮蕭蕭風吹  
鳥帽醉裏從敲側明年雖健未知何處相憶

水龍吟 雪

晚來惻惻清寒凍雲萬里回飛鳥故園夢斷單于吹罷  
房櫳易曉西帝神遊萬妃綺袂相看一笑泛扁舟乘興  
蹇驢覓句山陰曲灞陵道舞態隨風窈窕任穿簾兒  
童休掃洛陽高卧蕭條門巷悄無人到供斷詩愁夜窻  
還共陳編相照念寒梅映水勻粧美粉與誰爭好

滿庭芳

麥隴黃輕桑疇綠暗野橋新碧泱泱怕春歸去鶯語燕

飛忙風定閒花自落穿幽徑拾蕊尋香曾來處孤雲翠  
壁依舊挂斜陽客愁知幾許唯思徑醉誰與持觴料  
文君衣帶爲我偷長苦憶新晴晝永閒相伴刺繡明窗  
何時得西風夜雨枕簟共新涼

滿江紅

香霧空濛簷牙外流螢自照夜向久明河東畔電飛雲  
繞錯落疎星垂屋角須臾萬弩鳴林杪漸蒼梧翠竹嫩  
涼生驚秋早人語靜籤聲杳珍簾冷紗厨小想雲窗  
依舊夢尋難到雁足空來書斷絕眉頭頓着愁多少縱  
琴心細寫有誰知朱絃悄

言集利通卷四  
又 滕王閣

畫棟珠簾臨無地滄波萬頃雲盡歛西山橫翠半江沉  
影斜日明邊回白鳥晚烟深處迷漁艇聽棹歌游女采  
蓮歸聲相應 愁似織人誰省情縱在歡難更滿身香  
猶是舊時荀令宦海歸來塵撲帽酒徒散盡霜侵鬢最  
愁處獨立詠蒼茫西風勁

蘭陵王

小橋直林表遙岑寸碧斜陽外霞綯晚空一目千里總  
佳色初寒遍澤國投老依然是客功名事雲散鳥飛青  
萍匣裏漫三尺 重來愴陳迹又水退沙痕風滿帆席

鱸肥蓴美曾同食聽虛閣松韻古墻竹影參差猶記過  
此驛傍溪南山北悲惻暗愁積擁綉被焚香誰伴孤  
寂追尋恩怨無窮極正難續幽夢厭聞鄰笛那堪簷外  
更夜雨斷又滴

瑞鶴仙

郊原初過雨見敗葉零亂風定猶舞斜陽挂深樹映濃  
愁淺黛遙山眉嫵來時舊路尙岩花嬌黃半吐到而今  
惟有溪邊流水見人如故無語郵亭深靜下馬還尋  
舊曾題處無聊倦旅傷離恨最愁苦縱收香藏鏡他年  
重到人面桃花在否念沉沉小閣幽窗有時夢去

荔枝香近

曉來丹楓過雨爭如掃霜空橫雁寒日翻鴉驚嗟歲月  
如流更被酒迷花惱轉眼吳霜點髻催老細思歡遊  
舊事還自笑斷雨殘雲都總似夢初覺錦鱗書斷寶箴  
香銷向誰表盡情說似啼鳥

卓牌子近

山沼朱闌繚牆翠竹晴畫金萬縷搖搖風柳還是燕子  
歸時花信來後看淡淨洗粧態梅樣瘦春初透盡日  
明窓相守閑共我焚香伴伊刺綉睡眼騰騰今朝早是  
病酒那堪更困人時候

釵器近

夜來雨賴倩得東風吹住海棠正妖嬈處且留取悄庭  
戶試細聽鶯啼燕語分明共人愁緒怕春去 佳樹翠  
陰初轉午重簾未捲乍睡起寂寞看風絮偷彈清淚寄  
烟波見江頭故人爲言憔悴如許彩牋無數去却寒暄  
到了渾無定據斷腸落日千山暮

入聲甘州

正陰陰夏木聽黃鸝百轉語惺鬆乍鈎窻意適臨池倒  
影竹樹青蔥翠蓋紅粧窈窕香引一簾風向晚追涼處  
月挂梧桐 何處樓頭吹笛漸玉繩低側河漢橫空想



調冰雪藕清夜與誰同貯離愁難憑夢寄縱遺書何日  
有征鴻房櫳靜伴人孤寂惟有鳴蛩

傾杯近

遶館金鋪半掩簾幕參差影睡起槐陰轉午鳥啼人寂  
靜殘粧褪粉鬆髻敲雲牖不整儘無言手接裙帶遶花  
逕酒醒時夢回處舊事何堪省共載尋春並坐調箏  
何事更心情盡日一似楊花飛無定未黃昏又先愁夜  
永

長相思慢

葉舞殷紅水搖瘦碧隱約天際帆歸寒鴉影裏斷雁聲

中依然殘照輝輝立馬看梅試尋香嚼蕊醉折繁枝山  
翠掃修眉記人人蹙黛愁時嘆客裏光陰易失霜侵  
短髻塵染征衣陽臺雲歸後到如今重見無期流怨清  
商空細寫琴心向誰更難將愁隨夢去相思唯有天知

側犯

篆消餘燭燭堆殘蠟房櫳曉寒峭看杏臉羞紅尙嬌小  
游蜂靜院落綠水搖池沼閑遶翠樹底揜頤聽啼鳥  
愁風怕雨彈指春光了音信杳最堪恨歸雁過多少困  
倚孤眠晝長人悄睡起依然半窗殘照

賀新郎

曉色明窗綺耿殘燈寒生翠幙鳥啼人起一夜西園新  
雨過細草閑花似洗漾欄影柳塘春水閑畫雙飛歸來  
燕正東風漫漫吹桃李還是箇悶天氣 回廊小院簾  
垂地想連天芳草淒迷短長亭外愁到春來依然在舊  
事還如夢裏又生怕人驚憔悴樓上誰家吹長笛向曲  
中說盡相思意三弄處寸心碎

垂絲釣

江楓秋老曉來紅葉如掃暮雨生寒正北風低草賓鴻  
早亂半川殘照傷懷抱 記西園飲處微雲弄月梅花  
人面爭好路長信杏度日房櫳悄還是黃昏歸夢少縱

夢歸易覺

安公子

弱柳絲千縷嫩黃勻遍鴉啼處寒入羅衣春尙淺過一番風雨問燕子來時綠水橋邊路曾畫樓見箇人人否料靜掩雲窗塵滿哀絃危柱庾信愁如許爲誰都著眉端聚獨立東風彈淚眼寄烟波東去念永晝春閑人倦如何度閑傍枕百轉黃鸝語喚覺來厭厭殘照依然花塢

一叢花

東風吹恨着眉心金約瘦難任西窗剪燭渾如醉最愁

處南陌分襟香歇繡囊塵生羅幌憔悴到如今 小花  
幽院夜沉沉涼月轉槐陰拂墻樹動開朱戶又贏得愁  
與更深青翼不來征鴻難倩流怨入瑤琴

滿園花

江上西風晚野水兼天遠雲衣拖翠縷易零亂見柳葉  
滿梢秀色驚秋變百歲今強半兩鬢青青盡着吳霜偷  
換 向老來功名心事嬾客裏愁難遣乍飄零有誰管  
對照壁孤燈相與秋蟲嘆人間事經了萬千這寂寞幾  
時曾見

謁金門

春索莫樓上晚來風惡午醉初醒羅袖薄護寒添翠幙  
愁裏花時過却閑處淚珠偷落憔悴只羞人問着鏡  
中還自覺

柳梢青

建康

白鷺洲前烏衣巷口江上城郭萬古豪華六朝興廢潮  
生潮落信流一葉飄泊嘆問米東游計錯老眼昏花  
吳山何處孤雲天角

又

釣臺紹興甲子赴試南宮登此今三十三年矣

一水縈回參天古木夾岸蒼崖三十三年客星堂上幾  
度曾來眼看變化雲雷分白首烟波放懷細細平章

釣臺畢竟高似雲臺

菩薩蠻

流蘇寶帳沉烟馥寒林小景銀屏曲睡起髻雲鬆日高  
花影重 沉吟思昨夢閑抱琵琶弄破撥錯成聲春愁  
著莫人

又

西風送雨鳴庭樹嫩寒先到孤眠處愁極夢頻驚馬嘶  
天漸明 千林楓葉赤寒事催刀尺樹杪又斜陽迢迢  
歸路長

浣溪紗

庭下叢萱翠欲流  
梁間雙燕語相酬  
日長簾底篆烟留  
金勒去遙芳草歇  
玉樓吹罷紫蘭秋  
一年春事只供愁

蝶戀花

次韓幹夢中韻

細雨斜風催日暮  
一夢華胥記得驚人句  
霧閣雲窗歌舞處  
翠峯青嶂無重數  
解珮江頭元有路  
流水茫茫盡日無人渡  
一點相思愁萬縷  
幾時却跨青鸞去

訴衷情

中秋微雨入夜開霽  
呂履謙坐上賦此

曉來猶是雨冥冥  
投晚却能晴  
姮娥爲誰著意洗得十分明  
人自老  
兔長生  
酒徐傾  
杯行到手休更推辭轉



眼參橫

相思引

曉鑑胭脂拂紫綿未忺梳掠髻雲偏日高人靜沉水裊  
殘烟 春老菖蒲花未着路長魚雁信難傳無端風絮  
飛到繡牀邊

點絳脣

登鄂州城樓

樓檻臨風四邊渾是青山繞水空相照天末歸帆小  
家在江南三逕都荒了何時到暗塵撲帽應被淵明笑  
玉樓春

垂鬟初學窺門戶妙舞妍歌俱獨步引成密約笑言閒

認得真情離別處 潘郎兩鬢今如許縱得相逢知認  
否多時無雁寄書來今夜倩風吹夢去

踏莎行

醉撚黃花笑持白羽秋江綠漲迷平楚燕鴻曾寄去年  
書漢臯不記來時路 天際歸舟雲中烟樹蘭成憔悴  
愁難賦香囊鈿合忍重看風裳水珮無尋處

東坡引

隴頭梅乍吐江南歲將暮閑窗盡日將愁度黃昏愁更  
苦 歸期望斷雙魚尺素念嘶騎今到何處殘燈背壁  
三更鼓斜風吹細雨

史

浩

字直翁明州鄞縣人紹興十五年進士孝宗朝累擢中書舍人翰林院學士知制誥歷右丞相封魏國公進太師卒追封會稽郡王諡

文惠有鄮峯真隱漫錄

見陽春白雪

杏花天

夢魂飛過屏山曲見依舊如花似玉天寒翠袖依修竹  
雨點春山鬬綠披衣起閑愁萬斛正月淡梅花照屋  
重溫綉被薰清馥不管明燒畫燭

臨江仙

憶昔來時雙髻小如今雲鬢堆鴉綠窻冉冉度年華秋  
波嬌殢酒春筍慣分茶居士近來心緒懶不堪老眼  
看花畫堂明日隔天涯春風吹柳絮知是落誰家

湯思退

字進之處州青田人紹興十五年申宏詞科除祕書省正字累官觀文殿大學士左僕射封岐國公隆興初責居永州宋史有傳

周必大二老堂詩話湯岐公顯仁皇后挽詩云虞妃從梧野啟母祔稽山顯仁初以賢妃從徽宗北狩其後祔葬徽宗永祐陵虞妃爲徽宗也啓母爲高宗也用事可謂的切

菩薩蠻

水月寺

見歷代詩餘

畫船橫絕湖波練更上雕鞍窮翠巘霜橋半垂黃征衣

盡日香

鐘聲雲外聽金界青松映何處是華山峯巒

杳靄間

洪邁

字景盧號野處又號容齋鄱陽人皓之子紹興十五年進士兄适及遵皆中詞科世稱三洪累遷吏部郎兼禮部乾道二年知吉州拜中書舍人兼侍讀直學士院進龍圖學士諡

文敏宋史有傳有野處類藁客齋五筆夷堅志萬首唐人絕句行世

踏莎行

見絕妙好詞

院落深沉池塘寂靜簾鉤捲上梨花影寶箏拈得鴈難尋篆香消盡山空冷釵鳳斜敲鬢蟬不整殘紅立裊傭看鏡杜鵑啼月一聲聲等閒又是三春盡

夷堅志紹興間余在臨安試詞科三場畢與五友同過抱劍街孫氏小樓夜月如晝兩燭結花燦然若連珠孫娼白座中曰今夕燭花呈祥五君請各賦一詞爲他日佳話何自明作浣溪沙一闋衆傳觀歡賞獨恨其末句失意余續臨江仙詞孫酌一觥相勸曰學士必高中此瑞殆爲君設也已而果奏名係皆不偶

臨江仙

綺席留歡歡正洽  
高樓佳氣重重釵  
頭小篆燭花紅直  
須將喜事來報主  
人公  
桂月十分秋正半  
廣寒宮殿  
匆匆姮娥相對曲  
欄東  
雲梯知不遠  
平步躡東風

何自明

浣溪沙

草草杯盤訪玉人  
燈花呈喜坐添春  
邀郎覓句要清新  
黛淺波嬌情脈脈  
雲輕柳弱意真真  
從今風月屬閒人

董

穎

字仲達德興  
人有霜傑集

程洵尊德性齋集周歲之詩序德興自汪公  
彥章以詩名天下其後趙公德麟徐公師川

相繼寓居里中其於詩蓋親傳元祐正宗者  
於是張公彥實董公仲達起而和之德興詩  
人之名隱然聞四方

前賢小集拾遺載仲達江上詩云萬頃滄江  
萬頃秋鏡天飛雪一隻鷗摩挲數尺沙邊柳  
待汝成陰繫釣舟

薄媚

西子詞

排遍第八

怒潮卷雪巍岫布雲越襟吳帶如斯有客經游月伴風  
隨值盛世觀此江山美合放懷何事却興悲不爲回頭  
舊谷天涯爲想前君事越王嫁禍獻西施吳卽中深機  
闔廬死有遺誓勾踐必誅夷吳未干戈出境倉卒越  
兵投怒夫差鼎沸鯨鯢越遭勁敵可憐無計脫重圍歸

路茫然城郭邱墟飄泊稽山裏旅魂暗逐戰塵飛  
日慘無輝

排遍第九

自笑平生英氣凌雲凜然萬里宣威那知此際熊虎途  
窮來伴麋鹿卑棲旣甘臣妾猶不許何爲計爭若都燔  
寶器盡誅吾妻子徑將死戰決雄雌天意恐憐之 偶  
聞太宰正擅權貪賂市恩私因將寶玩獻誠雖脫霜戈  
石室囚繫憂嗟又經時恨不如巢燕自由歸殘月朦朧  
寒雨瀟瀟有血都成淚備嘗險厄返邦畿冤憤刻肝脾

第十擷



種陳謀謂吳兵正熾越勇難施破吳策惟妖姬有傾城

妙麗名稱

一作字

西子歲方笄笑夫差惑此須致顛危范

蠡微行珠貝爲香餌苧蘿不釣釣深閨吞餌果殊姿

素肌纖弱不勝羅綺鸞鏡畔粉面淡勻梨花一朵瓊壺

裏嫣然意態嬌春寸眸剪水斜鬟鬆翠人無雙宜名動

君王繡履容易來登玉陛

入破第一

翠湘裙搖漢珮步步香風起歛雙蛾論時事蘭心巧會  
君意殊珍異寶猶自朝臣未與妾何人被此隆恩雖令  
効死奉嚴旨 隱約龍姿忻悅重把甘言說辭俊雅質

娉婷天教汝衆美兼備聞吳重色憑汝和親應爲靖邊  
陲將別金門俄揮粉淚靚粧洗

### 第二虛催

飛雲駛香車故國難回睇芳心漸搖迤邐吳都繁麗忠  
臣子胥預知道爲邦崇諫言先啓願勿容其至周亡褒  
姒商傾妲已吳王却嫌胥逆耳纔經眼便深恩愛東  
風暗綻嬌蕊綵鸞翻妬伊得取次于飛共戲金屋看承  
他宮盡廢

### 第三袞遍

華宴夕燈搖醉粉菡萏籠蟾桂揚翠袖含風舞輕妙處

驚鴻態分明是瑤臺瓊樹間苑蓬壺景盡移此地花繞  
仙步鶯隨管吹寶帳暖留春百和馥郁融鴛被銀漏  
永楚雲濃三竿日猶褪霞衣宿醒輕腕嗅宮花雙帶繫  
合同心時波下比目深憐到底

第四催拍

耳盈絲竹眼遙珠翠迷樂事宮闈內爭知漸國勢陵夷  
姦臣獻佞轉恣奢淫天譴歲屢饑從此萬姓離心解體  
越遣使陰窺虛實蚤夜營邊備兵未動子胥存雖堪  
伐尙畏忠義斯人旣戮又且嚴兵捲土赴黃池觀釁種  
蠡方云可矣

第五袞徧

機有神征輦一鼓萬馬噤喉地庭喋血誅留守憐屈服  
歛兵還危如此當除禍本重結人心爭奈竟荒迷戰骨  
方埋靈旗又指勢連敗柔荑攜泣不忍相拋棄身在  
兮心先死宵奔兮兵已前圍謀窮計盡喚鶴啼猿聞處  
分外悲丹穴縱近誰容再歸

第六歇拍

哀誠屢吐甬東分賜垂暮日置荒隅心知愧寶鏐紅委  
鸞存鳳去辜負恩憐情不似虞姬尙望論功榮還故里  
降令曰吳亡赦汝越與吳何異吳正怨越方疑從公

論合去妖類蛾眉宛轉竟殞鮫綃香骨委塵泥渺渺姑蘇荒蕪鹿戲

第七煞袞

王公子青春更才美風流慕連理耶溪一日悠悠回首  
凝思雲鬟烟鬢玉珮霞舉依約露妍姿送目驚喜俄迂  
玉趾同仙騎洞府歸去簾櫳窈窕戲魚水正一點犀

通遽別恨何已媚魄千載教人屬意况當時金殿裏按

懋樂府雅詞以此爲道宮大曲並稱九重傳出竹垞跋云道宮薄媚排遍之後有入破虛催袞袞徧催拍歇拍煞袞其音義不傳及閱張叔夏詞源道宮卽仲呂宮爲黃鐘七宮之一蓋卽今上倘憐字調也又云道宮是L勾字結聲要平下莫太下而折則帶入凡一一聲卽犯中呂宮其論拍眼有法曲大曲之分又稱法曲之拍與大

曲相類如大曲降黃龍花十六常用十六拍前袞中袞六字一拍要停聲待拍取氣輕巧煞袞則三字一拍蓋其曲將終也叔夏精通音律附著其說於此

程大昌

字泰之休寧人紹興二十一年進士明年試館職爲秘書正字孝宗卽位遷著作郎遷爲恭王府贊讀遷國子司業官至權吏部尙書龍圖閣直學士諡文簡見宋史儒林傳有文簡公詞

一卷

癸辛雜識程泰之以天官兼經筵進講禹貢闕文疑義疏說甚詳且多引外國幽奧地理阜陵頗厭之宣諭宰執云六經所簡闕疑可也何必強爲之說且地理既非親歷雖聖賢有所不知朕殊不曉其說想其治銓曹亦如此旣而補外

浣溪沙

水遞迢迢到日邊清甘誇說與茶便誰知絕品了非泉

旋挹天花融渾液靜無土脈汗芳鮮乞君風腋作飛

仙

水調歌頭

水晶宮之名天下知之而此邦圖志元不能主名其所某嘗思之苕霅水清可

鑑邑屋之影入焉而甕棟丹堊悉能透現本象有如冰玉故善爲言者得以裒撮其美而曰此其宮蓋水晶爲之如騷人之謂寶闕珠宮正其類也則豈容一地獨擅此名也茲承好詞見及無以爲報輒取此意稍加櫟括用來說水調歌頭爲腔若遂有取可補地志之缺不但持杯一笑也

綠淨貫闌闌夾岸是樓臺分

去聲

影倒卧千丈鬱崔嵬

此是化人奇處能使山巔水底對出兩蓬萊溪澗有仙

觀茗霽信佳哉

水晶宮誰著語半嘲詼世間那有如

許磊砢棟樑材每遇天容全碧仍更蘋風不動相與夜  
深來飲子以明月爭洗舊塵埃

好事近

我里比僑居不欠山青水綠只恨風衝雁序使分飛隈  
輿只今一葦視茗溪見天倫雍睦此去春濃絮起應  
翻成新曲

念奴嬌

葵卿國錄不閒僻遠特爲一來旣幸佳詞  
敘舊謙衷交厚不容虛辱次韻爲謝

海角懷人常誤喜簌簌散簾風竹命駕翩然誰信道不  
怕溪山同曲榻拂凝塵香籠清宴塵柄從揮玉好音聞  
耳慰心何啻跼足猶記一桂專秋靄開殊選倒峽餘



詞力往事茫茫十換歲却共天涯醞醖已分成翕翹觀  
賜帶上雍通仙錄休貪泉石賢臺間用金築

南歌子

景仁知府郎中見示月詞特從險韻出奇  
麗得拭目則已夜不暇盡和取最後兩闕  
試追元韻地窄但能小舉腹不容敷舒也

方出滄溟底旋明紫岫腰玉光漫漫湧層潮上有乘流  
海賈卧吹簫更上雲臺望翻牽旅思遙浮生何許著  
簞瓢却向天涯起舞影蕭蕭

又

韻致撩詩客風流出酒家長繩爲駐日車斜且向春香  
玉色占生涯細按歌珠串從敲寶髻鴉花應笑我髭

雙華偏向西堦吹馥脩流霞

水調歌頭

上巳日領客往洛陽橋

坐上羽觴酌水際消衣褰適茲勝賞風輕雲薄有情天  
不用船舷悲唱真俯闌干小海樂事可忘年莫向歌珠  
裏却歎髣霜鮮送朝潮迎夕汐思茫然知他襖飲此  
地過了幾千千既有相催春夏自解轉成今古誰後更  
誰前堪笑興懷客不似詠歸川

虞允文

字彬甫仁壽人紹興二十四年進士通判彭州除秘書丞累遷禮部郎金人南侵參江淮

軍事瓜洲師捷充川陝宣諭使官至左丞相兼樞密使贈太師諡忠肅有詩文集十卷

按鎮網珊瑚載有虞提刑父子詞翰提刑名祺字齊年爲允文父官潼川路轉運判官以

子貴贈太師秦國公所書送子西歸就試南  
鄉子一闕詞涉俚淺不復甄錄

水調歌頭

和退翁賦梅爲壽韻

後有寶祐第一癸丑歲書於宛陵道院

十三字

憔悴朔家種零落雪邊枝淡粧素豔無桃笑面柳眉低  
懶向深宮點額甘與孤山結社照影水之湄不怨風霜  
虐我本歲寒姿謝東君開冷蕊弄斜暉強顏紅紫同  
口皎潔性難移祇好竹籬茅舍若話玉堂金鼎老恐負  
心期歌罷飲先醉殘月墮深卮

梁安世

字次張括蒼人紹興二十四年進士

淳熙中官桂林轉運使有遠堂集

王逢梧溪集括蒼梁民懷首倡民兵捍禦方  
臘有功郡縣議上聞民懷不肯旣得子名安

世年十九登科民懷以壽卒鄉先生江朝宗  
批曰四郊多戰壘一郡少儒家氣髮劍三尺  
義方書五車野無人白骨門有子青緇陰德  
看桃李無言春自華

西江月

見臨桂棲霞洞石刻後暑淳熙庚子重九  
梁次張拉韓廷玉但能之陳頴叔同游二  
十一字

南國秋光遇二賓鴻未帶初寒洞中馳謁已嫌單洞口

猶須揮扇

夕照千峯互見晴空萬象都還羨他漁艇

繫澄灣敲枕玻璃一片

范端臣

字元卿蘭溪人紹興二十四  
年進士累官中書舍人右史

應廷育金華先民傳端臣文詞典雅尤工於  
詩篆楷草隸亦造其妙學者稱爲蒙齋先生

念奴嬌

中秋月

見歷代詩餘

尋常三五問今宵何夕嬋娟多勝天濶雲收崩浪靜深  
碧琉璣千頃銀漢無聲冰輪直上桂濕扶疎影綸巾玉  
塵庾樓無限清興誰念江海飄零不堪回首驚鵲南  
枝冷萬點蒼山何處是修竹吾廬三徑香霧雲鬟清輝  
玉臂醉了愁重醒參橫斗轉轉轆轤聲斷金井

姚述堯

字進道錢唐人紹興二十四年進士有蕭臺公餘詞一卷

朱彛尊曝書亭集書施彥執北憲炙輿後云  
彥執名德操海昌人張子韶之友子韶詩云  
環顧天下間四海惟三友三友者彥執及姚  
進道葉先覺也進道張孝祥榜進士有蕭臺  
公餘詞子所藏有之

臨江仙

呈柯川使君丁郎中仲京

佳節喜逢長久日翩翩鳬舄朋來霜清天宇絕塵埃遙  
憐巴嶺月擬上曲江臺懷縣從容留客宴追歡正好  
傳盃使君歸騎莫相催更拚明日醉未放菊花開

林

外

字豈塵晉江人紹興三十年進士官典化令有嬾窟類藁

葉紹翁四朝聞見錄紹興間有題洞仙歌於垂虹橋者不書其姓名龍蛇飛動真若不食烟火食者時皆喧傳以爲洞賓所爲浸達於高宗天顏輟然而笑曰是福州秀才云爾左右請聖諭所以然上曰以其用韻蓋閩音云久而知爲閩士林外所爲聖見異矣蓋林以巨舟仰而書於橋梁水天渺然旁無外路故世人益神之

洞仙歌

飛梁敲水虹影澄清曉橋里漁村半烟草歎來今往古

物換人非天地裏唯有江山不老  
雨巾風帽四海誰知我一  
斂橫空幾番過按玉龍嘶未斷月冷波寒歸去  
也林屋洞門無鎖認雲屏烟障是吾廬任滿地蒼苔年  
年不掃